



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. II. Solvuntur objectiones,

[urn:nbn:de:hbz:466:1-77232](#)

DE NATVRA THEOLOGIÆ.

9

23. Prima pars conclusionis, quæ afferit Deum sub ratione Deitatis, esse objectum formale specificatiuum Theologiæ, probatur duplci ratione D. Thomæ loco citatō. Prima est: illud censetur esse objectum formale & specificatiuum cuiuslibet scientiæ, cujus cognitio principaliter quæritur, & ad quod reducuntur cetera omnia quæ in ea tractantur: Sed cognitio Dei per se primò quæritur in Theologia, & quæcunque in ea tractantur, reducuntur ad Deum sub ratione Deitatis: Ergo Deus sub hac ratione, est objectum formale Theologiæ. Major constat, Minor verò probatur. Nam cùm Theologia, ut nomen ipsum significat, sit sermo, vel consideratio de Deo, rebusque diuinis, cognitio Dei, est illud quod per se primò in illa quæritur. Item quæcunque ab illa considerantur, vel sunt ipsem Deum, vel aliquid ad illum pertinens; aut per modum proprietatis, ut attributa; vel vt effectus ab ipso procedens, ut creaturæ, de quibus agitur in prima parte; vel tanquam media ad ipsum conducentia, & ordinata, sicut actus humani, leges, gratia, virtutes, incarnationis, & sacramenta, de quibus in secunda & tertia parte disputatur: Ergo &c.

Confirmatur: sublatō objectō formalī, tollitur scientia: Sed quanvis nullum esset opus mēritatorum, nec vila sacramenta à Christo instituta; & licet Verbum Diuinum, carnem humānam non aslūpsisset, non propterea tolleretur Theologia: Ergo illa non sunt objectum formale ipsius. Major constat, Minor verò probatur. Quanvis enim illa non darentur, Theologia posset inferre plures conclusiones de Deo, & ejus attributis, & probare Deum esse æternum, quia est immutabilis; infinitum, quia est ens per essentiam; intelligentem & scientem, quia est immaterialis; & cetera attributa per naturam diuinam, tanquam per causam virtualem, seu rationem à priori, demonstrare: Ergo &c.

24. Secunda ratio D. Thomas sic procedit: Idem debet esse objectum, seu objectum principiorum, & totius scientiæ; cùm tota scientia virtute contineatur in principiis: Sed Deus sub ratione Deitatis, est objectum, vel objectum principiorum Theologiæ, nempe articulorum fidei: Ergo &c. Minor probatur: nam fides qua præbet principia Theologiæ, cùm sit virtus Theologica, habet pro objecto formalis & specificatiuo Deum sub ratione Deitatis. Licet enim veritas prima dicatur à D. Thoma 2.2. quæst. 1. art. 1. objectum fidei: ramen, ut Caietanus ibidem §. Ad evidētiā docet, non sunt diversa, Deum esse objectum fidei, sub ratione Deitatis, aut veritatis: sicut nec ens, aut verum, esse objectum intellectus: Ergo &c. Ex quo probata manet secunda pars conclusionis, quæ affirmat quod Deus, sub ratione Deitatis, est ratio formalis quæ Theologia. Ut enim exposuimus in tertio notabili, ratio formalis quæ alicuius potentiae, vel habitus, est illa quæ per se primo attingitur, à tali potentia, vel habitu, & ratione ejus alia percipiuntur: vnde cùm Deus sub ratione Deitatis, sit id quod per se primò à Theologia attingit, & in ordine ad quod omnia alia objecta considerantur, illa est ejus ratio formalis quæ.

25. Secunda verò pars, quæ afferit reuelationem virtualem, & mediataam, esse ejus rationem formalem sub quæ, euidenti ratione demonstratur. Theologia enim est habitus distinctus à fide, à Metaphysica, aliisque scientiis naturalibus; &

Tom. I.

A quasi medius inter illas: non posset autem ab illis distingui, nec inter eas mediare, nisi haberet proportionem formalis *sub qua*, reuelationem virtualem, & mediataam: si enim ejus ratio formalis *sub qua*, esset reuelatio formalis, & immediata, conueniret cum fide, quæ initio diuina reuelationi immediata: si autem non dependeret à reuelatione virtuali, & procederet ex principiis solo lumine naturali notis, non distingueretur à scientiis naturalibus; praesertim à Metaphysica, quæ Deum respicit, ut cognoscibilem ex creaturis, & lumine naturali intellectus. Ex quo probata etiam manet ultima pars. Illud enim censetur esse objectum materiale, extensiuum & terminatiuum alicuius scientiæ, quod subest ejus rationi formalis *sub qua*, & ad quod illa se extendit & terminatur: Sed quæcunque ens reuelatum à Deo, subest rationi formalis *sub qua* Theologia, nempe reuelationi virtuali; & Theologia potest ad illud se extendere, illudque contemplari sub tali lumine diuina reuelationis mediatae & virtualis: Ergo quocumque reuelatum à Deo est objectum materiale extensiuum, ac terminatiuum Theologiæ nostræ.

§. II.

Soluuntur Objectiones.

C O Bjicies primò: nulla scientia probat de suo objecto quod sit, sed supponit; ut dicitur 1. Poster. Sed Theologia probat Deum esse, ut sequenti tractatu patebit: Ergo Deus non est objectum Theologiæ.

D Respondeo quod existentia subjecti, non potest probari ab aliqua scientia, à priori, & per medium proprium, & intraneum: bene tamen à posteriori, per medium ab alia scientia mutuatum, licet sibi deseruiens & ministrans; & sic Theologia demonstrat existentiam Dei, rationibus detinptis à Metaphysica, quæ ministrat Theologia. Addo quod existentia Dei ut Authoris supernaturalis, à Theologia non probatur, sed purè creditur, & sic est propriè objectum ejus; solum autem è rationibus Metaphysicis probat Deum esse, ut authorem naturalem.

E Objicies secundò: objectum adæquatum scientia, prædicari debet de omnibus partibus illius, & esse causa adæquata omnium proprietatum quæ in ea demonstrantur: Sed Deus sub ratione Deitatis, non habet illas conditiones: ergo &c. Major patet, Minor probatur: Deus enim non prædicatur de Angelo, vel homine, & aliis objectis, de quibus in Theologia disputatur: item Deus sub ratione Deitatis, non est causa innascibilitatis v. g. quæ est in Patre, alias talis proprietas competenter cuiuslibet personæ diuina, in qua Deitas reperitur; & sic Filius & Spiritus Sanctus essent innascibilis.

F Respondeo negando Minorem: ad cujus primam probationem dicendum est, objectum adæquatum scientia prædicari debere de omnibus partibus illius, vel in recto, vel in obliquo; & hoc secundo modo Deum prædicari de homine, & Angelo, ceterisque objectis, de quibus in Theologia tractatur: quia illa, vel sunt ipsem Deum, vel aliquid Dei, ejus scilicet proprietates, vel effectus, vel media ad ipsum conducentia, ut antea exposuimus. Ad secundam probationem, respondetur objectum formale scientiæ debere esse radicem, & principium omnium proprietatum, quæ in ea demonstrantur, vel secundum

27.

B

DISPUTATIO PROOEMIALIS

se, vel quatenus reperitur in particularibus speciebus determinatum: sic ens mobile, ut determinatum ad corpora cœlestia, & elementaria, est causa proprietatum, quæ de elementis, & corporibus cœlestibus, in Physica demonstrantur; vnde ad hoc ut Deus sub ratione Deitatis sit objectum formale Theologiae, satis est quod Deitas, ut determinata ad personam Patris, & modificata per relationem Paternitatis, sit radix innascitatis.

28.

Objicies tertio: illud omne pertinet ad objectum formale quod specificatum Theologiae, cui immediatè conuenit ratio formalis *sub qua* ipsius Theologiae: At non solum Deo sub ratione Deitatis, sed etiam omni enti supernaturali, immediatè conuenit ratio formalis *sub qua* Theologia: ergo non solum Deus, sed etiam omne ens supernatural, pertinet ad objectum formale Theologiae. Minor patet, nullum enim est ens supernatural, quod non possit immediatè & per se reuelari, & quod magis est, potest independenter ab ipso Deo ut authore supernaturali reuelari; nec defineret esse Theologia, quamvis Deus non fuisse ipsi reuelatus per lumen supernaturale, dummodo supponeretur cognitus naturaliter, & alia entia supernaturalia per fidem reuelarentur. Major vero probatur inductione in omnibus scientiis naturalibus, in quibus non assignatur aliquod ens particulare pro objecto formali & adæquato, sed illud omne quod abstractum à materia singulare, sensibili, aut intelligibili; & ut omne effugium præcludatur, & paritas sit adæquata; quamvis aliqua illarum scientiarum habeant unum objectum principale, ad quod omnia alia de quibus tractant, referuntur; ut patet in Metaphysica respectu Dei, & in Logica respectu Demonstrationis, ad quam omnes aliae secundæ intentiones ordinantur; quia tamen in Metaphysica, non solus Deus, sed etiam alia entia creata, & in Logica, non sola Demonstrationis, sed etiam aliae secundæ intentiones, participant rationem formalem *sub qua* praedictarum scientiarum, & sunt objecta per se scibilia ab illis, quamvis per impossibile, nec Metaphysica Deum, nec Logica Demonstrationem considerarent; ideo objectum Metaphysica non est solus Deus, sed omne ens abstrahens à materia intelligibili, nec objectum Logica sola Demonstrationis aut Syllogismus, sed omne ens rationis secundo intentionale. Ergo similiter in proposito, quamvis Deus sit objectum principale Theologiae, non erit tamen eius objectum adæquatum, sed omne ens diuinum supernaturali inspiratione cognoscibile. Vnde D. Thomas in prologo sententiarum qu. 1. art. 4. assertio ens diuinum per inspirationem cognoscibile, esse objectum Theologiae, & paulò infra addit quod Deus non est ejus subiectum, nisi sicut principaliter intentum.

29.

Hoc argumentum videtur sine dubio opinione nem illam reddere probabilem. Respondeo nihilominus distinguendo primam majorem. Illud omne pertinet ad objectum formale quod specificatum Theologiae, cui immediatè conuenit ratio formalis *sub qua* ipsius Theologiae: si conueniat immediatè immediatione excludente solum discursum, nego Majorem: immediatione excludente etiam ordinem, dependentiam, & attributionem ad aliud, concedo Majorem, & sub eadem distinctione, nego Minorem. Ad probationem *ejus ibi subjunctam*, transeat quod nullum sit

A ens supernaturale, quod non possit reuelari independenter à reuelatione supernaturali Dei sub ratione Deitatis, nego tamen in hoc casu remansuram Theologiam, aut fidem diuinam, saltem ejusdem speciei cum ea quam habemus modo: fides enim nostra est virtus Theologica, hoc est immediate & per se primò respiciens Deum tanquam objectum suum specificatum: in casu autem posito, sicut non respiceret Deum, ita non esset Theologica, nec scientia aliorum entium supernaturalium esset Theologia, hoc est scientia de Deo, ut nomen sonat, sed alia quadam fides & scientia supernaturalis, à nostris specie distinctæ, vt pote qua diuersum objectum specificatum per se respicerent. Ad probationem vero Majoris, concessò Antecedente, & omnibus que in ejus exemplum adducuntur, nego consequiam & paritatem: ratio discriminis est,

B quia finis intrinsecus & essentialis scientiarum de quibus fit mentio in arguento, non est cognitio alicuius partialis objecti, nec alia omnia minus principalia considerant solum propter principale, sed etiam propter se: finis autem intrinsecus & essentialis nostra Theologiae, & fidei, est cognitio solius Dei, aliorum vero objectorum minus principialium, tantum propter Deum, & in ordine ad ipsum; vnde omnia alia objecta minus principalia, erunt tantum objecta secundaria & materialia, solus autem Deus objectum formale primarium & adæquatum: sicut respectu charitatis, solus Deus est objectum specificatum, proximus autem, quia non amat nisi in ordine ad Deum, est objectum secundarium & materiale. Hujus exemplum reperiatur etiam in quibusdam scientiis naturalibus, Medicina enim, quamvis sub eadem abstractione, corpus humanum, & plura alia consideret, puta herbas, mixta, simplicia &c. quia tamen illa omnia considerat solum in ordine ad corpus humanum sanabile, solum corpus humanum sanabile, est objectum ejus formale specificatum & adæquatum; alia vero sunt tantum objecta secundaria & materialia: cujus ratio radicalis est potest, quia habitus practici specificantur priuariò à fine ad quem ordinantur, non vero ab aliis que in ordine ad finem considerant: Medicina autem est scientia practica, & similiter Theologia nostra, modò articulò sequenti explicando; alia vero scientia, de quibus fit mentio in arguento, sunt simpliciter speculativa, nec habent alium finem intrinsecum, quam cognitionem suorum objectorum.

C Ad locum vero D. Thome desumptum ex prologo sententiarum, variè respondent Thomistæ: Caeteranus enim dicit quod D. Thomas non asserendo, sed opinando illud dixit. Capreolus vero asserit S. Doctorem loqui de subiecto materiali & extensiuo. Alij existimant, ipsum usurpare nomen *entis divini*, prout est analogum analogiæ attributionis, subindeque supponere pro principali analogati, scilicet Deo: quod confirmant exemplo fani, quod est objectum medicinæ, quod ibidem à D. Thoma adducitur. Si vero aliqui nulla istarum responsionum placeat, non existimo de hoc multum esse curandum, cum in præfenti articulo sua summæ, tanquam in suo testamento, S. Doctor clarissimè suam mentem expresserit.

D Objicies ultimò contra tertiam partem conclusionis: Ratio formalis *sub qua* objecti scientiae, debet esse illi intrinseca: Sed reuelatio virtualis,

30.

31.

DE NATVRA THEOLOGIÆ.

11

etum fundetur in extrinseco Dei testimoniio, non est quid intrinsecum objecto Theologiæ: Ergo non est ejus ratio formalis *sub qua*.

Respondeo majorem esse veram in scientiis naturalibus, non autem in Theologia, quia scientiæ naturales procedunt ex lumine naturali intellectus & primorum principiorum, in que suas conclusiones resolunt: Theologia vero procedit ex articulis fidei, & in extrinseco Dei dicentis seu testificantis autoritate fundatur, ac n ipsam ultimò suas conclusiones resoluit.

§. III.

Corollaria precedentis doctrinae.

32. Ex dictis colliges primò, quod alio modo Theologia considerat Deum, quam Metaphysicā, qua dicitur *Theologia naturalis*: Metaphysica enim agit de Deo, vt per creaturas cognoscibili, ita vt creature se habeant, vt gradus quibus ascendimus, & eleuamus ad Dei cognitionem, iuxta illud ad Rom. 1. *Invisibilia Dei pereas que facta sunt in intellecta conficiuntur*. Theologia autem primo aspectu considerat Deum, ejusque attributa; & ex consideratione Dei, tanquam prima causa, & primi principij, procedit, & descendit ad cognitionem creaturatum. Vnde in Metaphysica, prior est consideratio creaturarum, quam Dei: in Theologia è contra, prior est consideratio Dei, quam creaturarum. Quare (vt infra dicemus) illa est nobilior, & perfectior Metaphysicā, aliisque scientiis ordinis naturalis; & est veluti quedam expressio, & imago diuina scientiæ & sapientiæ, qua ut dicit Dionysius cap. 7. de diuinis nominibus, *Seipsum cognoscens scit alia*.

33. Secundo colliges contra Vazquem, in Hæreticis non esse veram Theologiam, illamque specie distingui à nostra: quia nostra deducit suas conclusiones, ex principiis fidei diuina creditis, & habet pro ratione formalis *sub qua*, reuelationem virtualem: Theologia autem hæreticorum deducit suas conclusiones ex principiis fidei solum humana creditis; nec habet pro ratione formalis reuelationem diuinam, sed traditionem humanam; vnde illa est potius fides humana, vel opinio, quam scientia. Quare Dionysius cap. 2. de diuinis nominibus, loquens de illo qui diuinis eloquiis resistit, qualis est Hæreticus, *Lunge*, inquit, *omnino erit à nostra Theologia, & curandum non est illius manuductio ad Theologicam scientiam*. Item Augustinus dicit, Theologiam esse scientiam, quæ fides saluberrima gignitur, & nutritur, defenditur, & roboratur. Ex quo inferes, in Theologo qui amittit fidem circa aliquem articulum, non remanet Theologiam ejusdem rationis cum ea, quæ est in Catholicis, sed quasi quoddam illius cadaver; amissæ enim fide, non potest amplius viuere nec subsistere Theologia.

Dices: Hæreticus nullomodo habitat circa principia, & conclusiones Theologiæ: Ergo habet de illis certitudinem, & consequenter scientiam.

Respondeo Hæreticos habere de articulis fidei, & de conclusionibus Theologiæ, solum certitudinem quandam subjectiæ, quæ est quadam pertinacia, orta vel ex illorum voluntate, vel ex proprio iudicio, quod iudicant tam vel talem articulum fidei esse acceptandum, non vero alios: non autem de illis habere certi-

Tom. I.

A tudinem objectiæ, procedentem ex motu diuina reuelationis, quæ omnino necessaria est ad fidem, & Theologiam. Unde dicit D. Thomas 2. 2. quest. 5. art. 3. *quod Hæretica circa unum articulum, non habet fidem de aliis articulis, sed opinionem quandam, secundum propriam voluntatem*.

Colliges tertio, conclusiones Theologicas, formaliter quæ tales, non esse de fide. Ratio est, quia omne quod creditur fide diuinâ, debet immediate & formaliter à Deo reuelari: At conclusiones Theologicas, non sunt formaliter & immediate reuelatae, sed virtualiter tantum & immediatè, cum ejus ratio formalis *sub qua*, non sit reuelatio formalis & immediata, sed virtualis

B tantum & medietate; alioquin (vt supra ostendimus) illa non distingueretur à fide: Ergo &c. Dixi formaliter quæ tales sunt: quia conclusiones Theologicas, materialiter considerate, possunt esse de fide: multe enim sunt propositiones determinate ab Ecclesia tanquam de fide, quæ possunt fieri conclusiones Theologicas, vt constat in hac demonstratione: *Filius Dei naturalis est consubstantialis Patri. Sed Christus est Filius Dei naturalis: Ergo est consubstantialis Patri. Similiter in ista. Qui est Deus & homo, habet diuinam & humanam voluntatem: Sed Christus est Deus & homo, Ergo habet diuinam & humanam voluntatem*.

C Advertendum tamen est, quod ille qui negaret aliquam conclusionem Theologicam, quæ ex principiis reuelatis per evidenter consequentiam infertur, qualis est ista, *Christus est filius*, censeretur esse Hæreticus: quia non censeretur negare bonitatem illationis, quæ lumine naturali evidens est, sed principium fidei, ex quo illa evidenter deducitur.

D Colliges quartò: Theologiam esse vnam specie infimam scientiam, nec illam dividit in plures habitus partiales specie diuersos. Ita communiter docent Thomista cum S. Doctore hic art. 3. contra Recentiores, qui volunt Theologiam non esse vnum simplicem habitum, sed illam coalescere & componi ex pluribus habitibus partialibus specie distinctis.

E Probatur hoc corollarium ratione D. Thomas. Vnitas potentia & habitus consideranda est, non secundum obiectum materialiter, & in esse entis consideratum, sed secundum quod subest ejus rationi formalis: licet enim homo, leo, & lapis, specie inter se differant: quia tamen conuenient in vna ratione colorati, quæ est objectum formale visus, vnum specie atoma sensum specificant: Sed omnia objecta, quæ à Theologia considerantur, communicant in vna ratione formalis; licet enim illa agat de Deo, de Angelis, & hominibus; de virtutibus, & virtutibus; de gratia, & de peccatis, aliisque rebus, plus quam specie diuersis, illas tamen non considerat, nisi secundum quod substantia diuinæ reuelationi: Ergo Theologia est vna specie infimam scientiam, nec in plures habitus specie diuersos dividit potest. Pro cuius evidentiâ.

F Notandum est primo cum Caietano hic §. *Ad evidenciam*. Ad vnitatem aut distinctionem scientiarum non sufficere rationem quæ objecti earum, illud in esse rei constituentem; constat enim eandem scientiam secundum speciem, qualis est Metaphysica, agere de rebus plus quam specie distinctis in genere rei, vt de substantia, & accidente. Item vt dicit D. Thomas hic art. 1. *ad*

B ij

36.